

瘥傳心錄序

自壬辰歲乞歸仲兒持來生傳

先生以啞科壽吾鄉邑壽吾

之子

瘥疹傳心錄

先生謂效錄也可以傳不朽而為先生

矣適先生視瘥余孫輩按法在順逆險

之內而變幻神化則在順逆險夷之外

痘疹傳心錄序

余自壬辰歲乞歸仲兒持朱生傳心錄請
曰先生以啞科壽吾鄉邑壽吾里開壽吾
宗之子若姪者已論千百諸壽者則安所
壽先生謂茲錄也可以傳不朽而爲先生
壽矣適先生視痘余孫輩按法在順逆險
夷之內而變幻神化則在順逆險夷之外

故他醫在聞切間而先生獨以一掬神六合通萬靈余顧仲兒曰若亦知先生所傳之心乎今夫勾者萌者胎者卵者蛎螻蟄伏者胥而亨之毒之煦焉育焉者何命之曰天地好生之心二曜列三光明四時序萬彙各正其性命者何命之曰天地有常之心風雲呼吸雷霆寒暑交錯晴陰靡定

它如盈虛消息之數一切不可思維議索者何命之曰天地神妙莫測之心故人者天地之心得天地之所爲心無乃先生傳心之旨歟而與它泥法按古者殊科也余觀先生之爲人古而質其爲術正而竒其爲心活潑通變而莫之窮叩彼其於先天後天之秘陰陽五行之理與夫吉凶悔吝

死生存亡之道目如冥莢也亦何難窺腑
臟察形色哉余故謂垣外長桑之事非甚
誣妄蓋於朱先生證之矣廼先生自謂曰
實本諸啟雲虛明兩公所傳第能雅不負
爾噫先生之讓德也真溘于生哉固然惟
先生心天地之心傳天地之傳斯能壽天
地之所壽不然者有時而罄矣其何以壽

仲兒曰竟何以壽先生應之曰持吾說可
以爲先生壽矣是爲序

峕

萬曆甲午菊月旣望賜進士第資德大夫
正治上卿太子少保工部尙書前兩京兵
刑二部尙書奉勅總理河道提督軍務都
察院右副都御史侍經筵奉勅居守賜麒

麟服潘季馴撰

庚子年

潘季馴

潘季馴

潘季馴

潘季馴

潘季馴

潘季馴

傳心錄序

吾家濟川有深心少學儒成舉業輒棄去
以爲老逢掖無補世用其不如他道也多
我其爲秦越人哉於是徧搜岐黃家書讀
之至啞科心動曰隸是科者其有深意乎
科以啞稱志無言也無言之疾不由已致
無言之醫不由形治疾不由已者小子所

不免治不以形者庸醫所不能心解者垣
外遇之矣然則吾所讀糟粕已夫於是廢
書兀坐覓心了不可得而會王先生從雲
間來言下似有醒悟曰心在矣由此試其
術譟然已解自予族黨達乎闕闔以及乎
鄉遂之子弟獲壽者良多以故濟川聲藉
甚吳中矣而間又取其所已試作爲日錄

凡如干篇諸縉紳好爲之序而付殺青以
廣之弁曰傳心蓋濟川得心於起雲氏起
雲云得心於虛明氏虛明吾不得而知吾
以題吾詞

賜進士第前江西道監察御史侍經筵奉
勅巡按蘇松等處族弟朱鳳翔頓首拜撰

題朱濟川痘疹傳心錄

夫人以其心竅天地之靈窮靈族之窅若
我筦玄軸逞其無涯以故人身榮衛稍有
闕逆於是乎有隔垣之洞有聞號之驚豈
其悉方瞳而綠晶行賣吳門者邪無非以
一掬心靈與世劑調也至嬰兒痘疹有關
休咎匪細彼不能以齒頰鼓其鬱積繇我

心靈營其形勢若叅象帝而行不關之宇
遊不夜之林斯不亦難哉而世人恒索之
赫蹏以希心之扁鑄所繇啓也亦不知其
解矣疹經往無作者巫妨氏顛顛經十三
篇始以其秘杼之寰中而畲響者數十家
要皆皮傳也非傳以心也惟錢魏諸君稍
窺崖略不足以見大全朱生以療嬰奕奕

若下與之語若拙若訥遇症猶觀火然其
治痘尤鑿鑿試之余家兒曹纖毫無鑿也
予嘗謂諸症惟痘最厲一七不慎流毒無
已庸醫雙眸猶局卽取丹經縣之肘後且
不能辨帝虎其于心傳尤謬鑿云朱氏扼
腕斯編積有冀莢諸凡順逆險夷吉凶生
死變幻叵測者悉圖繪註釋若白日而懸

之鑒衡庶幾得顛顛之心傳者歟後有嗣
響者則朱氏更以心爲橐鑰矣雖然心靈
物物僉具而完具者稀昔秦越人入咸陽
聞咸陽人愛小兒卽爲小兒醫夫人孰非
筦之心也不以心傳而以言解者不知解
矣

萬歷乙未上元日賜進士第通議大夫兵

部右侍郎前奉勅巡撫山西等處地方提
督鴈門等關都察院右副都御史沈子木

撰

序

痘疹傳心錄目錄

第一卷

原痘

陰陽氣血合問

陰陽配合

陰陽偏勝

五行

頭面

頭面預腫漸腫論

正額論 附治驗

目論

口唇

附治驗

咽喉

舌

頸項

手足

脾胃

第二卷

春夏爲順秋冬爲逆辯

痘有當汗下不當汗下

痘症驚搐

吐利不食

嘔吐噦

渴附治驗

身痛論

腹脹痛

腰痛附治驗

咳嗽

痰

喘

聲啞

水滄

自汗

失血

煩躁啼叫

痒塌

寒顫咬牙

夾癍

夾疹

夾瘦

先疹後痘

先痘後疹 附治驗

小便閉澀

大便閉結

小便赤澀

輕變重

重變輕

所感輕重

忌食毒物 醇痘辨 附治驗

死而復甦 附治驗

樹小花多

第三卷

看法治法提綱

看法要畧

治法要畧

治痘有三法

氣血盈虧交會

虛症補氣不補血論

血熱毒壅論

虛實傳變

氣血衰旺毒火輕重

表裏寒熱虛實

邪正相勝

第四卷

看痘總提圖目說

正而五行部位圖

分配部位初見圖

二十八種痘疹論

二十八種痘形圖

順險逆

逐日順險逆

第五卷

發熱口訣

熱因

發熱宜辨 附治驗

第六卷

報點口訣

痘始 附治驗

第七卷

起脹口訣 附治驗

第八卷

養漿口訣

漿原 附治驗

第九卷

收靨口訣 附治驗

第十卷

靨後餘症口訣 附治驗

痕色 附治驗

痘癰 附治驗

痘疔 附治驗

目論附治驗

口齒附治驗

咽喉腫毒附治驗

瘡瘍

痘毒流注

痘毒禁敷寒涼藥

癰腫無頭用刀針法

第十一卷

痘後禁忌

痘後雜症附治驗

第十二卷

婦人痘疹 附治驗

第十三卷

疹論 附治驗

水痘 附治驗

發癍 附治驗

附胎毒瘡

胎毒丹腫

第十四卷

藥性口訣

藥性主治

第十五卷

古今信效諸方

第十六卷

醫不執方

南北異法

醫宜存仁

行善獲報

戒不明理不識字行醫

戒不早決安危

第十七卷 附慈幼心傳

厚序

慈幼心傳說

慈幼齋

調護法

乳兒法

擇乳母

望聞問切論

望像

望訣

觀虎口三關紋脈

聞像

聞訣

問像

問訣

切像

切訣

五臟生克主治

胎熱

天弔

胎寒

盤腸內疝

蛔蟲

寒疝

胎驚胎風

胎黃

臍風撮口

變蒸

夜啼

驚風總論

疾步作心金
目鏡

急驚

慢驚

急驚變為慢驚

慢驚變為急驚

驚風所得之因

驚風不治症

諸癩

疳症

吐瀉

諸吐

諸瀉

痢

瘡

傷風寒

咳嗽痰喘

食積

癖痞

第十八卷

脾胃

不寐多困

腫脹

腹痛

諸熱

瘧病

諸血

汗

黃疸

結核

時毒

耳聾

齒病

口疳瘡

解顛

顛填

顛陷

天柱骨倒

五軟

五硬

龜胸

龜背

胎毒瘡

胎毒發丹

赤遊丹腫

癩瘡

浸淫瘡

天泡瘡

湯火瘡

撲墮損傷

附驗方

第十九卷

痘疹傳心錄

探痲種痘各法

痘疹傳心錄目錄終

痘疹傳心錄卷之一

西吳朱惠明

著

原痘

夫痘何原也凡人之生不外陰陽二氣皆得父精母血融結而成形故曰陰陽不和則所生之物萎精血不瀉則其胎之毒中胎毒者發之爲痘毒也若父母平時恬淡寡慾不爲邪火所乘而又飲食有節起居有常不妄作勞則未交媾之先而氣血之在吾身者清而不雜厚而不漓故其所生之子不惟賢而且壽亦何痘疹之慮哉惟不知戒謹持滿縱慾妄淫甚且

乘醉入房則真元耗散而先天之炁已不瀆矣因而
感媾其精血之毒種于受生之始後必萌孽自然之
理無足怪也然猶賴母之懷妊者謹守禁忌滋養氣
血以補先天之不足蓋養胎者血護胎者氣經曰母
氣足則兒氣全若一逞淫慾則必輸精以應陽之求
而兒缺一日之養矣况邪火熾于胞胎卽成火毒病
由此生爲母者誠如太妊太姒端莊靜一俾氣血清
純則先天之毒或可得而融化矣夫乃飲食不節起
居不常六淫不遏七情不制辛酸不禁煎燻多嘗以
致毒流氣血醞釀胞胎則後天之氣益又不瀆此毒

之所由來也余嘗竊覽羣書五行天一生水水之生
最先人之成形由腎而始天一之數也若成形之始
爲邪火所中卽中於腎故痘之發自腎經始由此觀
之其故信不在子而在父母然則爲父母者可不清
心寡慾以養氣血爲至要哉

陰陽氣血合問

或問氣血何可以議陰陽痘毒何得見解於氣血答
曰陰陽太極之所自來人稟陰陽二氣而生氣屬陽
血屬陰痘毒者則由人身氣血異變而有故陰陽者
變化之父母生殺之本始氣血者滋榮之本始生長

之根基陰平陽秘精神乃治陰陽離決精氣乃絕是以聖人指陳陰陽必使氣血皆順外氣血而言虛實者不可以語醫外陰陽而言氣血者不可以語要知其要者陰陽是也且清陽爲天濁陰爲地陰陽二氣各分三品然天非純陽而亦有三陰地非純陰而亦有三陽天以六氣御於下地以五行承於上陽化陰成斡旋運動於天聞人之一身藉此而生臟腑氣血亦與天地相爲流通是知痘之爲症所屬之機無出乎是其發生聚散而彰於外者陽之德也其灌溉滋潤而守於內者陰之德也陰不足則陽不長而枯萎

之變出焉陽不足則陰不生而伏陷之變出焉故陰之與陽氣之與血宜相得而不相失宜相和而不相離是以陰陽相須氣血隆盛雖不撤其毒而毒自化矣故曰陰陽得道則形圓氣血和昌則毒化良有以也是以氣血合陰陽造化之機痘毒由氣血施化而解故曰陰陽氣血一而已矣

陰陽配合

周子曰太極動而生陽動極而靜靜而生陰靜極而復動一動一靜互爲其根所以能變合而生萬物也孔子贊易以坎爲水陰也離爲火陽也人身之氣血

五臟之心腎配卦而爲坎離也心配離而生血陽中
有陰乃真陰也腎配坎而生氣陰中有陽乃真陽也
故心中之血卽腎中之真水也灌溉滋濡水之德也
腎中之氣卽心中之真火也呶噓鼓動火之象也痘
疹之火始于腎相火挾君火之勢鼓擊而無所不至
可恃者心中之真水尙有以制之若真水旣亡則火
炎無制津液暴絕其氣滯而發燥槁不能滋潤乎皮
腠痘瘡乾焦黑陷而斃也

陰陽偏勝

內經曰陰陽不可有偏勝也若偏於陽陽爲熱熱傷

氣氣虛則爲陷伏也偏於陰陰爲寒寒則氣血凝滯不能生長也臨病之際審思明辨熱者清之寒者溫之虛補實瀉不偏不倚而其中乎故曰致中和天地位焉萬物育焉

五行

或問人身一小太極斯言何謂也曰人稟天地之理以爲性受天地之氣以爲形其陰陽五行氣血臟腑相爲流通故丹溪以爲天人之理不明何以爲之醫故天之與人理一而已矣以五行之所在而言之木性柔脆而曲直生火尅土在天爲風在地爲木在

時爲春在方爲東在卦爲震在天干甲爲陽木乙爲
陰木在地支爲寅卯在五常爲仁在面部爲左頰在
竅爲目在體爲筋在脈爲弦在臟爲肝在腑爲胆在
液爲淚在藏爲魂在華爲爪在聲爲呼在色爲青在
氣爲臊在味爲酸在志爲怒在經爲足厥陰足少陽
在變動爲握在音爲角在穀爲麥在畜爲雞在五虛
爲氣少在五實爲悶瞖在痘瘡爲生發

火性炎上而燔灼生土尅金在天爲熱在地爲火在
時爲夏在方爲南在卦爲離在天干丙爲陽火丁爲
陰火在地支爲巳午在五常爲禮在面部爲額在竅

爲舌在體爲脈在脈爲淇在臟爲心在腑爲小腸在液爲汗在藏爲神在華爲面在聲爲笑在色爲赤在氣爲焦在味爲苦在志爲喜在經爲手少陰手太陽在變動爲憂在音爲徵在穀爲黍在畜爲羊在五虛爲脈細在五實爲脈盛在痘瘡爲長養

土性安靜而造化生金尅水在天爲濕在地爲土在時寄旺於四季在方爲中央在卦爲坤在天干戊爲陽土己爲陰土在地支爲辰戌丑未在五常爲信在面部爲鼻在竅爲口在體爲肉在脈爲緩在臟爲脾在腑爲胃在液爲涎在藏爲意在華爲唇四白在聲

爲歌在色爲黃在氣爲香在味爲甘在志爲思在經
爲足大陰足陽明在變動爲噦在音爲宮在穀爲稷
在畜爲牛在五虛爲飲食不入在五實爲腹脹在痘
瘡爲成始成終也

金性音聲而堅勁生水尅木在天爲燥在地爲金在
時爲秋在方爲酉在卦爲兌在天干庚爲陽金辛爲
陰金在地支爲申酉在五常爲義在面部爲右頰在
竅爲鼻在體爲皮毛在脈爲毛在臟爲肺在腑爲大
腸在液爲涕在藏爲魄在華爲毛在聲爲哭在色爲
白在氣爲腥在味爲辛在志爲憂在經爲手太陰手

陽明在變動爲欬在音爲商在穀爲稻在畜爲馬在五虛爲皮寒在五實爲皮熱在痘瘡爲成實

水性潤下而滲灌生木尅火在天爲寒在地爲水在時爲冬在方爲北在卦爲坎在天干壬爲陽水癸爲陰水在地支爲亥子在五常爲智在面部爲頤頰在竅爲耳在體爲骨在脈爲石在臟爲腎在腑爲膀胱在液爲唾在藏爲智在華爲髮在聲爲呻在色爲黑在氣爲腐在味爲鹹在志爲恐在經爲足少陰足太陽在變動爲慄在音爲羽在穀爲豆在畜爲彘在五虛爲泄利前後在五實爲前後不通在痘瘡爲收斂

頭面

且人之頭爲諸陽之首面爲五臟之華故五臟各有一位是以左頰爲肝之部而應于風木額爲心之部而應于君火印堂爲命門而應于相火鼻爲脾之部而應于濕土右頰爲肺之部而應于燥金頤頰爲腎之部而應于寒水此五臟之所列也蓋頭面最得氣血之至清者然而痘爲陽毒必隨陽先見于面觀其所出之多少則知其毒之微甚觀其所列部位之形色則知其痘之順逆且頭面最宜稀少爲上若痘出密佈則毒甚可知古人謂之蒙頭掩面凶之兆也若

頭面稀朗綻凸紅澤縱身肢雖密而平塌治之可生
若頭面稠密而平塌雖身肢稀朗紅綻未可云吉故
視痘以頭面爲主

頭面預腫頭面漸腫論

夫氣屬陽血屬陰二者宜和而不離痘未起發而頭
面先腫者此乃陽火亢盛尙書云火炎上內經曰熱
勝則腫以見毒火隨陽上升而陰血不能歸附氣血
相離之象若痘瘡起發頭面以漸而腫者此毒氣發
越聚於三陽欲作膿血故宜腫也設當起發而頭面
不腫者必痘本磊落毒勢輕淺雖爾作漿根不占處

所以不腫此佳兆也如痘本稠密起發應腫而不腫者此毒伏於內不能發越正氣不足不能勝邪而然也治助正氣爲主如痘稀疎起發不應腫而腫者此感疫毒之氣須兼疫氣而治如應腫而平塌如錫餅或痘肉齊平或乾焦紫滯者此毒盛氣虛之候不治之症也大凡應腫者直至漿滿結疔毒化而腫消目開爲吉若漿未充足而腫消目開者此正氣不足不能化毒成漿名爲倒靨乃凶兆也

正額論

經曰諸痛癢瘡瘍皆屬心火心之部分正額是也爲

五臟之主

二心爲君主之官神明出焉故心主明則十二官失職以爲天下昌心主不明則十二

爲天下危

若痘出雖遍處平黯而正額勻朗綻凸紅

潤者調理無虞遍處雖勻朗紅綻而正額平塌灰滯無神者此元氣不足不能成功于上凶也正額雖平塌而間有數點尖綻者險也調理無虞故痘之出以正額爲主又要兩顴頰爲助兩顴頰若不起發而無潤澤則氣血不足君主雖明何以成天下之治哉

附治驗

一小兒痘出遍身勻朗綻潤醫皆曰吉但眉心密發如錢而色灰滯八九日漿行俱滿惟眉心空亮無水

而痒塌倒靨二七日喘脹而死蓋眉心屬三焦相火至陰之下便相火攻擊不能起但可有不可肆此乃相火亢涸氣陰曉燦元氣已虛是以痘難成功也故痘以正額為至而眉心尤為之要也治宜補元氣滋腎水以制相火為要

目論

夫眼目者人身之日月也統五臟之精華針經曰五臟六腑之氣皆為虛雖屬而為之精精華之窠為眼分為五輪其白珠為氣輪屬於肺兩眦為血雖屬于心眼胞為肉輪屬于脾故治痘之患眼須明五行生尅審其所因而治之初發熱時而眼紅腫者乃風熱上攻于目也四五六日而目赤者火毒盛而上薰于

目也痘後而目赤腫者餘毒鬱于心肝也治之要法
風則祛逐之熱則清涼之毒則解散之氣鬱則調順
之切不可槩用涼劑恐冰凝血脈聚而不散終成痼
疾也業是者當辨及之

口唇

口唇爲脾之竅經曰六腑之華在唇故痘疹始終以
唇口紅潤爲吉若唇口腫硬或口唇燥裂者乃毒火
乘脾毒乘于中則熱熾于外治先升解以化其毒次
補益以培其本脾毒旣解則能約束津液化生氣血
可保無虞或痘出稠密口唇痘子相粘乾黑諸痘未

起唇口先已黃熟而或腫硬諸痘未收唇口先已焦
枯其唇剝落一層又一層者口中臭氣者口中涎如
膠粘者唇上縮者唇下自呷者魚口者皆凶兆也

附治驗

一兒痘四日稠密未起脹而唇口先黃熟醫言全書
曰痘未起脹而唇口瘡色便帶黃漿者內潰之惡候
必爲唇剝之症不治余謂症雖至危幸痘色光澤脚
斂脾土雖受毒而根本尤固以補中益氣湯去白朮
加牛旁連翹查肉主之繼以保元湯調理愈

咽喉

咽者胃脘水穀之道路主納而不出喉者肺脘呼吸之門戶主出而不納蓋咽喉司呼吸主升降爲人身之緊關橐籥也痘之出最要咽喉清利爲吉若毒火上薰咽喉先受以致腫塞窄狹呼吸不能飲食不入疼痛啞啞等症治宜甘桔湯預服於已發未發之前所以清氣道不使毒犯

舌

舌乃心之苗一爲脾之脈凡痘之始終以舌紅潤爲吉舌燥黑有芒刺爲凶若氣虛火盛津液不能上行華池乾涸而舌乾口燥者補益爲主若毒火盛而舌

乾燥者解利為主若陰虛火炎無制而舌乾口燥者
治宜壯水為主舒舌者脾之熱弄舌者心之熱有因
唇燥而舒舌斂唇者亦土之熱也

頸項

頸項者陰陽之道路三陽之脈自頸而上
二陰之脈自頸而還氣食出納
之所生氣之本也痘之出最要頸項稀疏為吉若各
處勻朗而項獨稠密太甚謂之鎖項急宜服甘桔湯
以防咽喉否則道路一阻內者不出外者不入必音
啞水滄壅塞而斃矣

手足

手足者脾土所屬也蓋萬物生于土而歸于土土屬四維寄旺于四季之末故土有四也土也者在人以脾胃應之四肢屬脾四肢之痘若應出不出應起不起應漿而清水應收疔而不痂應脫靨而粘着不脫者皆由脾胃氣虛不能旁達四肢也治宜調理脾胃爲主然四肢終始貴乎溫煖爲吉若痘出終始而手足冷者脾弱也四肢皆稟氣于胃脾弱不能爲胃行其氣與津液故冷也若痘出而手足作痛者乃毒火乘脾治宜疎解爲上若遍身漿滿而四肢尙空壳者多有不治臨病之際可不撫按手足溫冷爲要哉

附治驗

一兒痘愈後腰足作痛余謂足三陰虛也以八味地黃丸料加當歸杜仲破故牛膝及補中益氣湯調理愈又一兒患此不同前治變爲龜背一家子二十歲痘愈後腰足軟而痠痛坐立不能肌體羸瘦余謂房勞所致以八味地黃丸加牛膝枸杞杜仲獨活蜜丸空心鹽湯送下間服補中益氣湯治之愈

一兒痘後手足不能伸屈轉運余謂血少不能養筋而又兼風寒外襲以養榮湯治之愈

一兒痘靨後聲言手足冷及按之熱夜臥不寧余謂

四肢屬乎脾胃經曰內熱而外冷者胃弱也外熱而內冷者脾弱也夜臥不寧脾陰不足也以歸脾湯治之愈

一兒痘後手足厥冷余謂脾弱不能旁達四肢用保元湯加當歸附子炮姜治之愈

脾胃論

論曰撤御痘毒者氣與血也滋養氣血者穀與水也納化水穀者脾與胃也經曰飲食入胃輸精於脾遊溢四氣蓋氣藉脾運血隨氣行苟胃氣壯盛受納水穀脾氣健旺布行諸經血氣條暢痘毒自能發泄干

外毒既外達內必自安蓋痘之傳變有心肝脾肺之

分屬

諸瘡屬心火心主血發為紅斑點及三日至足為齊傳至肝經肝主淚而為水泡也又曰血乃

肝藏漿賴血就六日而傳于肺肺主涕而為膿泡也

又曰肺主氣氣能行血則膿成而毒解九日傳於脾

脾屬土萬物功成于土又曰而統領運化者咸資脾

脾能收燥故能收靨結痂也

胃之轉輸其關係顧大矣又曰痘始終飲食如常二

便清調不拘稀密根窠圓潔綻凸堅實依期傳經此

脾胃強健順也嘔噦不食瀉利完穀痘色嬌嫩紅光

油滑平塌脚軟此脾胃虛衰逆也泄瀉而能食不食

而便結為險當辯虛實療之故曰治病無失中是以

法王道之治者先以調理脾胃為之主脾胃既調氣

血榮潤則痘何有順變險險變逆之患也

一痘出始終以脾胃為主能食爲強然有不能食而生能食而死者何也曰蓋不能食而生者胃氣爲邪壅窒臟腑內實大便不行賴平日之穀氣以主之毒化成功自能食矣故曰生其能食而死者叔和云胃熱善消脾病不化之義本熱則能消穀客熱則不能消穀又曰邪熱不殺穀不入而變生焉故曰死又有飢欲食而不能者必喉舌有痘艱於吞嚼也不可不辨

又余竊譬之痘莖也象其形而名之原其理而一之蓋莖之爲物生化皆藉于土土潤厚而肥則難出而

易成熟土燥薄而瘠則易出而難結實以故實者鋤
耨之瘠者沃灌之不實不瘠者惟順性而不使物害
之然荳之爲痘土之爲脾亦猶是也故曰植荳以之
土爲本治痘以脾胃爲先誠哉是言也

附治驗

一兒痘六朝勻朗光澤氣尊血附成曰順順者不必
治召余視之審兒聞食氣卽噦謂曰外症雖順而胃
氣有虧漿雖滿決不能蒼老必痒塌塘泄倒靨不治
後果如所言可見脾胃虛形色雖順而不能收拾故
治痘以脾胃爲主

一兒未週患痘稠密平塌灰滯咸曰樹小花多難結
實之候余謂症雖至危幸便實能哺乃脾胃堅固決
主無虞以補中益氣湯保元湯調理漿行破損復腫
灌成疔而愈蓋脾主結疔故破損而復能膺也

痘疹傳心錄卷一終

平陽人張鳳曰蘇小公定撰錄

痘疹傳心錄卷之二

腰據校

西吳朱惠明 著

春夏爲順秋冬爲逆辨

論曰四時者陰陽之功序也氣血者人身之根蒂也蓋陰陽有消長氣血有盛衰痘毒有淺深豈可概以順逆論哉今之人皆曰春夏爲順秋冬爲逆但能述古人之言而不能釋古人立言之義也以意逆之順逆之說有二有四時之順逆有合四時之順逆今以四時之順逆論之曰痘疹屬陽而春乃爲發陳之時夏爲蕃秀之令在人則玄府空疎榮衛通利脂膏潤

澤故痘易出而易解樂其生長以爲順也若乃秋爲
容平之候冬爲閉藏之司在人則氣血凝泣腠理固
密脂膏澁滯故痘難出難解惡其收藏以爲逆也故
經曰順其時則順逆其時則逆是以聖人春夏養陽
秋冬養陰也然而痘合四時之順逆者又何如哉且
初出猶春之生起發猶夏之長成膿猶秋之收結痂
猶冬之藏循循有序遞相成功以爲順也如初出而
便見秋之膿泡起發而便見冬之黑陷成漿而猶見
夏之紅艷結痂而猶見春月之疹黃此四時之失序
五臟之更張以爲逆也故經曰陰陽從則生逆則亂

是以聖人謹熟陰陽無失氣血宜也然以其分而言
之則雖有四時之順逆統而言之則歸於氣血之盛
衰痘毒之微甚氣血盛痘毒微者雖發於秋冬不爲
逆氣血衰痘毒盛者雖發於春夏不爲順豈可拘拘
於時令之說耶由是觀之順逆之說信不在於四時
而在於氣血欲求四時順逆之說者豈可外氣血而
言之哉

痘

有當汗下者有
不當汗下者

錢氏論痘瘡發散利下皆不可妄又曰非微汗則表
不解微者恐其過也非微下則裏不解蓋言表熱方熾痘點

未見之先或外感寒邪約束腠理痘因出不快此當
微汗之令陰陽和榮衛通俾痘易出而毒易解也不
然則邪無疎洩留伏於內未免閉門留寇之禍乎若
原無不快之症而妄用藥以汗之則又成表虛痒塌
斑爛之患也如痘出時煩熱譫語喘脹便秘此毒蓄
於腸胃之間當微下之俾臟腑疏通陳莖滌去氣血
和平而毒易升發也不然則藏污蓄毒煎熬於中盛
無養虎貽害之悔乎若原無裏實壅熱之患而妄用
藥以下之則又元氣下陷痘致灰白而變爲虛脫之
症矣可不審其表裏虛實之宜而妄施汗下之哉

痘症驚搐驚出於心搐發於脾其候駭然而厥目直牙緊口喎四肢搐搦是也

古人云先發驚而後發痘者是熱在痘而不在心曰生先發痘而後發搐者是熱在心而不在痘曰死蓋驚搐之發則同而其所以致之者則異內經曰諸痛痒瘡瘍皆屬心火且痘毒之始作蓋因火熱已極熱極生風風撼肝木木來侮土土受邪而歸於心心之神氣不安故發驚搐治法宜疏透祛風利小便疏透則毒易出祛風則肝自平利小便則心熱自退毒與風熱既洩則心神自安而痘出自愈矣亦有因風寒所激而發者有因脾氣虛弱而作者不可不辨若痘

後而發驚搐者痘既出之後脾氣尙弱陰血尙虧而心神游溢則舍空邪因入而客之是以發搐也此類慢驚治法見慢驚條凡驚搐發一二次卽止而見痘者必稀而順發之十數次而報點者必密而重報痘一二日而驚搐不止者多重故曰痘前驚者吉若發之不止乃毒伏於心未可以言吉也

吐利不食

凡痘疹發熱有嘔吐者有泄瀉者有吐利兼作者有不食者皆因毒火所致而然也內經曰諸嘔吐暴注皆屬於熱蓋三焦爲水穀傳化之道路毒火內迫傳

化失常而吐利併作火性燥動迅歛故也又曰邪在上焦則吐邪在下焦則利邪在中焦則吐瀉交作但不可驟止吐利當先疏通之使邪氣上下分消無壅遏也治宜平和疏透升提發散之劑俾引毒達表則吐瀉自止如不止乃脾胃有虧治兼調脾爲要其不嗜食者此亦脾經受熱毒而然也亦當以升提發散之劑主之俾毒得外出飲食自進矣若悞認嘔吐泄瀉不食之症爲裏寒而用丁桂姜附者是以熱投熱而轉增煩劇也若悞認嘔吐泄瀉不食之症爲裏虛而用參芪苓朮者以實投實而反增壅遏也此專爲

痘毒初出未透者而言若漿正行之時或漿既足之後而吐利不食者乃脾胃虛弱也其能免內虛倒靨喘脹之禍乎至若更受寒邪口食寒物脾胃停寒而泄瀉清冷痘色灰白手足厥而寒戰咬牙則陳氏異攻散溫補之法庶可用也

嘔吐噦

有聲有物爲之嘔有物無聲爲之吐有聲無物爲之噦噦者乾嘔也蓋表邪傳裏裏氣上逆則爲嘔也乾嘔者其聲輕小而短噦者其聲重大而長嘔吐噦皆屬於胃蓋胃爲水穀之海主納而不出如初出而有

是症者此火邪犯胃其氣上逆而然也若起發以至收齧而有是症者胃氣不足而不能容受也夫人以胃氣爲本故曰有胃氣則生無胃氣則死內經曰胃敗者其聲噦蓋嘔吐噦痘疹最爲惡候不可不辨虛實而治之

渴

三焦者水穀之道路津液者水穀之精華變化流行以灌溉乎三焦也痘疹之火起于內銷鑠水穀不得變化津液故渴也又曰有氣虛火益津液枯竭而渴者宜大補元氣其渴自止若毒火實盛便秘溺澀煩

渴壯熱痘色乾紅焦紫而渴者治以清涼降火之劑
如火滅則水不涸又痘疹稠密津液外洩化爲膿漿
不能滋養真氣而渴者常病也宜生脉散或炒米湯
亦好切不可用冷水梨橘西瓜等物恐損脾胃致生
後災也

附治驗

一兒痘九日尙空殼無漿根血乾紅壯熱口渴津液
乾涸咸爲氣虛以保元湯加麥冬芎桂而愈甚余謂
火盛水涸之義若專補氣反助其陽而陰愈虧矣經
曰津液者由腎水而生也盛則能制諸經之火不足

則火盛而水衰火毒既亢君相之火並起煎熬腎水
銷鑠肺金金銷則水不生矣治法滋腎水爲主腎水
既生津液盈足則諸火自退病機曰治諸熱者宜滋
腎水以六味地黄湯加人參麥冬當歸枸杞兔絲子
知母治之愈

一兒痘十九歲六朝勻朗綻凸淡白少神渴甚不已
余爲精虛氣弱而津液枯竭以人參二麥冬五錢枸杞
二水六碗煎四碗漸服又以補中益氣湯加枸杞二
劑再以保元加麥門冬枸杞子歸芍治之九朝漿足
渴止計用人參一觔愈子因驗而錄之

一見十七歲新婚後出痘煩渴躁熱時求冷飲余謂水弱火炎治宜壯水爲主以八味地黄丸料加生脉散又用補中益氣湯愈。一男痘症類前以冷水飲卽睡甦則復求不已余謂腎水乾涸不能制火乃孤陽絕陰者也又天令大寒尙不能制其熱藥何能爲治也遂易醫治之漿雖行不能收斂二七日而卒內經曰陽無陰不化正此謂也

身痛論

經曰諸寒爲痛又曰熱甚則痛又曰諸痛爲實三說不同各有其理試陳其畧且當熱作之時毒始方運

忽遇暴寒折之內熱爲外寒閉而不得伸外寒爲內
熱拒而不得入毒邪壅于皮膚之間不能宣發此因
寒而痛也治宜透肌運表之劑主之如煩躁渴甚狂
言譫語便秘溺赤更值春暄夏炎之時痘見乾紅焦
紫就火熱而痛甚就陰寒而痛衰此因熱而痛也宜
清涼化毒之劑治之若身不壯熱口不煩渴飲食如
常二便清調痘見尖綻紅澤至七八日漿極充滿之
時惟覺根窠脹痛者此諸痛爲實也宜平和疏養之
劑治之三者各合經旨何有不同之疑乎

腹脹痛

錢氏曰發熱腹中痛斑瘡腹內攻蓋痘出而腹痛者

皆出毒鬱于三陰

脾已上痛者屬太陰脾當臍痛者屬少陰腎小腹痛者屬足厥陰肝

宜分別之又腹脹者尤毒鬱于腸胃而然也皆宜化

毒疏利為主使毒氣內外分消則痛與脹自止經曰

痛隨利減脹以利消又曰通則不痛痛則不通此之

謂也。有食物不消化而脹痛者香砂丸乳食不化

者麥芽散。有因風寒所激毒留于中不能盡達而

痛者疏利為主。痘後六七日因胃氣不調氣逆而

脹痛者行氣理脾為主痘八九日脾虛少食虻虫無

依而動痛者宜保元湯加白朮炮姜史君子陳皮煖

胃安臣爲主。亦有因食寒物或過投寒藥而痛者宜理中湯加芍藥肉桂主之。有痘初發時而心腹痛劇煩悶啼叫喘促者此毒伏不透逆也。有氣虛倒靨而脹痛者如其人事清爽便調能食宜攻發而痘復腫灌爲吉若悶亂煩躁者逆也。有痘生長時而倒陷腹脹者不治。有實症悞投溫補有虛症過于補益而上膈飽脹者寬中湯解之善治者宜當詳審

腰痛

凡痘疹發熱腰痛或痛連背脊轉側不能其候爲至

惡經曰腰者腎之府又曰太陽所至爲腰痛蓋足太陽膀胱經其脉俠脊抵腰中入循膂絡腎痘毒起於腎腎屬水乃天一所生人之根蒂循足太陽散于諸經由裏傳于表也若腎部虛損邪火亢盛真陰不能勝邪故毒乘腎而腰痛也痘色必紫黑宜解毒以瀉少陰之邪發表以通太陽之經使邪氣不能以深入若熱毒得解然後調理氣血庶可挽回一二如此治之而痛不止形色不活者終不能救矣

附治驗

或問曰一兒初發熱腰痛報點黑色不盡彰形而死

又一兒雖彰形而紅變紫紫變黑而卒此二者何也
余曰夫痘之爲症得陰陽交濟四時順布乃爲全道
內經曰陰無陽不生陽無陰不化二者互相爲用一
有乖離亢若矛盾則痘之惡形亦必感於中而應於
外也故曰痘之出雖藉氣血甲胆以爲升發甲胆者
陽木也藉癸水之漬而得生若腎水不足則木無生
氣故春升之令不行而痘爲之伏也伏者悶也毒旣
韞於內而痘豈有能彰形者哉雖彰形而紅變紫紫
變黑者此因腎水枯竭毒火亢極火食其氣熱耗其
血不能潤乎皮膚滋乎腠理而瘡中之血亦以乾涸

而變黑色也蓋血色本赤而乾則變黑也伏變之理雖有緩急之分要知其原則歸于一也

一兒十四歲初發熱腰痛連背脊不能轉側初見點于左耳側余視腰左一點如筋頭大平而紫又舌中心一點黑而聳余曰此乃稟賦腎間陽氣不足故毒滯於腎逆也父母不忍強以四牙散發出俱紫黑點五日而逝

咳嗽

咳者謂無痰而有聲肺氣傷而不清也嗽者謂有痰而無聲脾濕動而生痰也有痰有聲方為咳嗽蓋痘

之咳嗽有因毒火刑金肺氣焦灼故發聲而爲嗽治
宜清肺解毒爲主○身熱頭疼咳嗽者乃風寒客肺
則肌腠窒塞肺氣不能宣發而然治宜疏風清熱爲
主○痘歛而乾嗽者乃肺氣虛耗也治宜滋補正氣
爲主○亦有肺腕有痘滯滯如痒習習如梗阻碍氣
道而爲咳嗽痘收自愈不須治之臨症更宜詳究虛
實不同一治

痰

內經曰諸氣臏鬱皆屬於肺肺氣鬱則成熱熱盛則
生痰痰者津液所生也蓋痘出而痰者由毒火盛榮

衛不清氣血濁敗凝結而成也治宜清火解毒爲主
○咳嗽身熱脉浮數者乃風邪客肺肺氣不能通暢
邪鬱爲熱而生痰者治宜散風利氣爲主○舌乾唇
燥左尺脉弱而痰涎者乃水弱火炎肺受火侮不得
清肅下行由是津液凝濁而爲痰也治宜壯水爲主
○腹痛溏泄者乃飲食傷脾脾弱失其健運之常不
能致精於肺而生痰者治宜調脾爲主○有氣實而
悞投補益有氣虛而過用參芪氣滯而生痰者治宜
導氣爲主○有毒氣倒陷氣逆而爲痰者難治也

喘呼吸不有虛虛喘必微氣有實實喘聲粗大不同

要皆熱毒擁遏肺金受制而然也經曰五臟之氣皆

統于肺故肺爲氣之主居至高之分喜清虛而不欲

窒碍若爲邪氣相干則肺竅壅塞發而爲喘也○如

痘初出噴嚏鼻流清水而喘者此風寒客肺而然也

宜參蘇飲主之○痘點乾紅腹脹便秘而喘者乃毒

火盛實而氣不能舒暢宜清火解利爲主○有正氣

虛不能逐邪外出毒伏于內而爲喘脹者乃悶痘症

不治○有瀉後而喘者乃元氣下陷虛火上擁下氣

不續此脾氣不足而然也宜補中益氣湯主之○有

吐後而喘者此胃虛不能制伏相火火逆上冲而然也宜以六君子湯主之。○痘四五日倒陷而喘脹者必再攻發而痘復起者可治。○痘漿半足而倒靨喘脹者宜補兼攻發而復腫灌爲吉。○有過補而喘有悞補而生痰喘者宜寬氣飲以消參芪之滯。○有痘密以致鼻塞而口中氣促似乎喘者非喘也槩以喘治悞矣。

聲啞

痘之始終最要語聲清亮爲吉經曰心之氣發於肺而爲聲其喉之竅猶管籥也肺屬金金空則鳴實則

啞若毒火上薰於肺肺受火鬱故竅塞而聲啞也宜
導赤散合甘桔牛旁湯主之○痘初出客冒風寒痰
壅而聲啞者疎解爲主○有毒盛壅窒肺竅而聲啞
者清火解毒爲主○五六日後脾虛不能制其相火
至令上冲肺金而聲啞者宜六君子湯加潤肺之藥
主之○有氣虛倒靨而聲啞者不治有氣虛宜補補
而聲啞者不治○若漿足而聲啞者乃氣道不清也
宜甘桔湯主之○有痘出咽喉其初小而不覺及至
成漿壅窒以致氣道不利而聲啞也痘收自愈○有
喉舌潰爛而失聲者不治有痘黑陷伏則毒入腎而

失聲者不治

水噎

或問噎水者何蓋水入則噎者由毒壅咽門也蓋咽門司納飲食通於口入於胃今爲毒所壅則飲不得入而乃溢入於氣喉喉司氣之出入通於鼻而統於肺至清至虛有形之物不容毫末故氣逆噴出而噎也治宜柑桔牛旁湯主之又有痘出咽門外痘生長內痘亦生長故壅塞道路而然者痘收自愈或進穀食而不噎者蓋食有渣滓自能入其門也故曰聲啞主於肺噎水主於胃也

自汗

汗者心之液諸瘡皆屬於心火蓋痘出而汗者由毒火薰蒸臟腑而生熱熱搏於心爲邪所勝故液不能內藏溢於皮膚而爲汗汗者邪氣外洩痘易出而解也若汗出不止而熱甚爲陽虛恐成痒塌潰爛之患治宜固表清熱解毒爲正○又有風熱外客身熱頭疼咳嗽清涕而汗者乃邪從汗解無害○又有痘出平陷淡白少神身涼而汗者乃表虛自汗治宜保元實表之劑○又有肌表脆嫩醫過用發表之劑而自汗者此虛其虛也治從虛例○又有重帷煖炕厚衣

衾蓋薰蒸而汗者宜漸減而清涼之其汗自止也治者宜辨不可妄耳

失血

夫血屬陰所主在心統化在脾藏內在肝宣布在肺輸泄在腎灌溉一身滋養百脉諸經由此而生毓焉然血之所統者氣也故曰氣主煦之血主濡之是以氣行則血行氣止則血止氣溫則血滑氣寒則血凝蓋痘出而失血者由毒火薰灼於內迫血妄行隨火而動或上逆而吐衄或下注而便血也○若氣血足毒火亢盛而失血者乃邪從血解無害亦當清血解

毒若治之不止者凶也。有氣血虛而毒火盛失血者不治有悶痘而五竅流血者不治有痘倒陷而鼻流血水者不治。又有熱症悞投熱劑而失血者治宜清涼解毒爲主。痘未盡出而用寒涼毒爲涼激致傷脾氣不能運動其血故逆於臟腑之中內毒擊搏滯于胸膈之上積成穢血妄行而暴吐衄昏暈軟倒痘色淡白陷伏者宜溫補爲主理中湯獨參湯故仲景治血脫益氣東垣論陽生陰長是也。痘尖綻紫滯而衄者乃毒火刑金宜四物湯俱妙黑加紅花丹皮黑山梔爲主。有靨後餘毒乘脾脾氣受傷不

能統血歸經妄行而衄者宜用芍藥黃連俱炒黑合
參苓白朮爲主若燥熱悶亂口乾渴而衄者宜犀角
地黃湯加黃連黑山梔黑姜爲主○有毒甚壅熾肺
金受制流注大腸而便血者宜四物湯加芩連地榆
荆芥丹皮或犀角地黃湯加紅花熟艾清火涼血爲
主○凡諸失血惟從鼻出者多有可治從口便出血
者多有不治也

煩躁啼叫

蓋痘疹之有煩躁者皆由毒火盛則金熾而水涸也
故曰火入於肺則煩火入於腎則躁又曰煩向心生

躁從腎發皆心火盛而爲之也若痘未出而煩躁者
乃毒火內鬱或風寒壅遏不能卽出治宜發散爲主
痘未盡出而煩躁者亦毒火盛也治宜升發疏利爲
主痘盡出而煩躁者乃血熱毒盛也治宜涼血解毒
爲主痘養漿時而煩躁者當辨虛實療之若痘頂平
淡白少神漿不易充者此氣血不足治宜保元湯加
麥門冬酸棗仁歸芍主之若綻凸紫滯便秘溺澀者
乃正氣足而毒盛不解治宜解利爲主四順清涼飲
三黃丸若痘倒陷喘脹而煩躁悶亂者乃正氣虛而
毒盛不治也○啼叫者由毒乘于心心神爲熱所迫

不能自安而然也治宜清金化毒爲主亦有腰腿痛
而啼叫者治宜六味地黄湯加入參當歸羌活肉桂
牛膝至之亦有內傷腹脹痛而啼叫者治宜香砂丸
消之有正氣弱不能逐邪外出毒壅而腹脹弗叫者
逆也臨症當辨及之

癢塌

經曰氣虛則爲陷伏血虛則爲痒塌諸痛爲實諸痒
爲虛又曰火甚則痛火微則痒痘初出而徧身作痒
者此邪氣欲出因風寒封閉腠理其火游移往來故
痒也與傷寒汗不出身痒同治宜疏散而瀉肝木使

腠理開通邪氣得洩痘出而痒自止所謂火鬱則發之者是也○痘收斂而作痒者膿成毒解火氣漸微宜爾作痒也與癰癤將痊而痒者同○痘養漿時淡白平塌少食便澹漿清而痒爬抓不寧者此脾胃弱而氣血俱虛也治宜補氣和中托裏爲主不應藥者凶也○痘色紅紫乾滯二便秘口渴煩躁漿充而痒抓破血流者此氣盛血熱也治宜清血解毒爲主○如作痒而神氣清爽自知其悞抓破者或言其痒欲人拊之吉如作痒而悶亂煩躁語禁不止搖頭扭頸手足亂舞破損而眼劄目開凶也若他處破損而正

面不破者其臟腑精華不散尙宜治之若破處復腫
灌成瘡者此正氣不虧而又能成功也若破不結靨
如無膚之木寒戰咬牙便泄噦嗆者逆也

寒顛咬牙

寒顛者似寒而實熱也蓋痘正出外爲寒邪所襲則
肌腠閉塞而不能宣達故邪正相拒而戰爭也與傷
寒發戰者同論治宜疏解之○咬牙者陽明經主之
其經走上下齒齦邪併陽明故鬪齒也主胃熱治宜
清解之此以毒未透者而言也○若養漿時寒顛者
乃陰凝於陽陽分虛則陰入氣道而作顛也宜保元

加丁桂而溫陽分○咬牙者乃陽陷於陰陰分虛則陽入血道故咬牙也宜保元湯加芎歸以益陰分○若二症並見喘促悶亂腹脹泄瀉及正氣虛寒而痘倒陷不治也又曰二症並見者屬足少陰腎腎者主蟄藏之本在變動爲慄牙爲骨之餘寒顫則鼓頷而兩牙相軋也治宜異攻散主之

夾癍

形如雲頭而突色赤成片而無頭粒謂之癍癍乃血之餘也因毒火鬱遏煎熬陰血血熱相搏故與痘相夾而發之於外片片如錦紋者是也宜清血解散之

劑荆防升葛蟬脫之類其癍既退宜辨虛實療之若
養漿時而發癍者乃血熱不解浮于肌肉散漫于皮
膚而爲癍宜涼血化癍湯主之若結痂之後而發癍
者此餘毒而發也治宜解毒化癍湯主之故曰發癍
在七日之前多宜表散七日之後多用解利慎在得
中若延滯日久則血液乾枯痘難成功也癍色紅活
爲吉紫滯者毒盛也藍癍黑癍者凶也

夾疹

痘已見形間有頭粒細密如麻子者此夾疹也心鑑
曰痘毒之發被風寒壅閉腠理濕蒸火熾觸動腑毒

故與痘並出也夫疹痘者穢液之一氣也但所受有淺深之殊而所發有臟腑之異蓋痘出于臟疹出于腑臟屬陰乃爲積受之地其受毒最深腑屬陽而爲傳送之所其受毒尙淺故痘之始終每以二旬日爲限疹之消長一晷時而已可不從其急而先治之乎經曰急者先治治宜先散其疹而後治其痘疹不散則痘不起疹一散則痘勃然而興莫能禦之矣若不先散其疹而妄治之則疹邪留滯于肌表故痘不起而有煩喘悶亂之患若疹散痘起綻凸勻朗紅潤其勢吉矣若疹雖散而痘稠密平塌灰白紫滯其勢亦

險也經曰痘夾疹者半輕半重也又有痘出時客冒風寒鬱于肌表不能作汗而解其風火相搏發而爲疹與傷寒發疹者同亦當先散其疹而後治其痘也

夾癭

夫癭爲痰毒由風熱與血相搏凝結而成也或結于頸項或結于耳後大者如桃小者如李若痘標之始而癭紅腫將膿恐毒膿一潰元氣澆漓焉能生發若痘起脹之時而癭紅腫將膿恐痘隨毒洩焉能鼎盛若痘正作漿之始而癭紅腫將膿恐漿隨毒化元氣不足焉能充灌大抵痘漸能生長而癭漸退者爲吉

若癭起凸而痘反退伏者爲凶若癭起成膿而痘亦生長成膿亦主無恙

先疹後痘

謂疹已愈而後報痘也

或問先疹後痘者重何也曰痘毒必賴氣血而發乃解若先發癩疹已愈而後報痘者氣血受傷於前恐不能受任痘毒之宣發而難化漿故重也

先痘後疹

或問先痘後疹者輕何也曰若痘後餘毒鬱而不散遂相煽搏於肌膚之間倏然狀如麻疹而痘所遺之毒火悉於此盡矣故輕也

附治驗

一兒痘後發疹余謂此痘時過用實表之劑故也宜解散之以荆防翹芷甘草陳皮枳殼黃連等加減治之愈

一兒痘後發疹一醫擬痘後氣血兩虧以補散兼治喘脹而逝

二便閉澁

蓋痘疹要小便長而清大便疎而潤謂之裏氣和若一有艱阻論見本門二便俱閉則毒邪內蓄腸胃壅遏不能傳化而然也故曰一息不運則機緘窒治宜

清解而利之得大便通溺自利矣三黃丸四順飲胆
導法之類此專爲痘始發時而言之若痘正養漿時
而二便閉者宜審虛實治之中病卽止若飲食如常
二便如昔內症平和不可溫補亦不可妄攻擊也

大便秘結

經曰腎主液腎實則津液足而便滋潤腎虛則津液
竭而便燥結蓋痘疹便秘者出青火內乘脂膏外暴
耗損津液以致腸胃乾燥故便秘也若痘白色少神
不食嘔清水者虛耗也宜補氣血爲主○若血熱症
口乾煩躁腹脹便秘者宜六味清涼飲治之而便自

通矣。○又有熱毒燥結于大腸而秘者，四順飲又蜜導之，或胆導亦可。○有醫人過利小便，以致津液乾涸而秘者，生脈散加當歸益之亦可。○又有氣血拘化成漿，而四五日不大便者，漿足自利也。臨症更宜詳審虛實而治之可也。

小便赤色

痘疹小便赤色者，由毒火盛膀胱受熱而不利也。經曰：諸痛痒瘡皆屬心火，移熱于小腸，小腸移熱于膀胱，膀胱爲津液之府，氣化則出氣爲火，食則津液涸而溺澀。東垣曰：膀胱主足太陽寒水之化，其體有下

口而無上口肺金爲之母以資其化肺金清肅則水道通調滲營于下肺金爲火邪之制不能清利水道而小便赤澁也治宜清金解毒以泄其熱而小便自利矣○又有毒流在肺積痰塞其氣道以致上竅閉而下竅不利者宜清肺以開竅則溺自利矣○又有元氣虛弱不能清理傳道則清氣不升濁氣不降而溺澁者宜補中益氣湯加知母麥門冬主之業是者當活潑施治

輕變重

人見其輕遽生怠忽之心而无忌口

不慎飲食則傷脾胃胃風

寒感胃風寒悞藥餌藥不對症穢氣相觸血氣聞香

則損肌表逆恐外人帶穢氣觸犯生人輒至穢氣觸犯犯房室房事必有穢氣觸犯而變為重

矣

重變輕

父母因其重常存保護之心而節飲食避風寒謹帷

帳不以生人輒至適寒暑寒則添衣熱則減衣依方調理虛補

謂之而變為輕也

所感輕重

或問時氣之盛衰而痘出之輕重者何蓋痘之出必假天行時氣而發天時疫氣有盛而有衰人之生稟

有強而有弱也疫氣盛行雖輕亦能變重稟弱者當之必致于危厲氣已衰雖重亦能變輕稟強者當之益見其輕故貧賤家兒多歷辛勤水濕之苦更無厚味傷脾卽有重症亦能抵當故入所謂百煉成鋼此類是也富貴家兒煖衣厚味少見風日脾胃薄弱不耐勞苦風霜凡遇小疾亦爲大病重症何當古人譬猶陰地草木是也臨症當辨及之

忌食毒物辨痘辨

予觀諸書有曰痘之發解惟藉氣血之功不可以重甲牙骨毛血羶羶等物發之余謂諸家之言執一而

少元神者也蓋氣血厚而毒淺者痘固自能發解豈
可以藥物醇之苟毒盛之甚不惟氣血弱者不能發
解縱氣血厚者亦爲毒所壅滯若不以毒物醇之則
必不易起脹而不易成漿結疔且餘毒不盡痘後或
上損乎目下害肢體而爲患多矣譬諸草木所生而
有沙石壓之萌蘖何能得透使不假物以開之則草
木豈易發生而茂實哉是以毒物醇痘之功不可少
也但用之各有所宜不可槩施耳假如毒壅心肺二
經宜雞冠等血以發之至清高取其
升發之意毒壅脾經桑螵
蛭以醇之毒壅肝經宜紫草茸以鬆之或芫荽酒櫻

桃湯而雜治之毒滯腎經宜人牙屬腎善發腎毒散以攻之
毒滯經絡宜穿山甲以透之至於鱖魚等腥羶之物
其性損脾胃切不可用也今世人昧此不分經絡而
妄投之致損中氣故有氣血不外旺或氣血未弱正
氣不能勝邪毒反攻內或毒勢轉烈不可救治之弊
也是諸家論痘之發解必藉氣血信矣而概云不可
以物醇之可盡信乎蓋用醇物仍有常驗不可廢者
治之宜辨經絡消息虛實而慎用之斯無失矣

附治驗

一兒於戊子仲冬患痘順妄以毒物發之以致中氣

耗脫漿清痒場十四日而逝發解之過於斯驗矣
一兒於丁亥季春患痘勻朗光澤十二朝痘俱成不
瘡身熱煩躁召余視曰此毒擁失於發解賴正氣不
虧內不容邪發爲瘡毒遂以歸身生地芍藥牛蒡子
連翹米仁防風白芷金銀花治之愈余每見毒擁症
失於發解或損肢或害目者多矣余因錄之以爲不
發解証

死而復甦

氣血偕則生氣血離則死故死生係於氣血氣血係
於真元真元人之根蒂也痘有死而復生者非血氣

相離也乃爲毒火彌熾氣血被其壅遏而不行故身
肢俱冷而氣絕也然有本不終絕雖絕必通毒火有
時而少解則正氣漸復氣血行而甦也然雖氣絕而
死其心胸必溫煖若胸冷氣絕復生者未之有也

附治驗

一雒邑倪姓子三歲患痘死殮城下三日偶過聞啼
聲詢其家抱歸余謂毒火彌盛得土而解更以川連
解毒湯治之愈

一楊姓女二歲患痘九日而死屍棄溪灘二日余舟
過此見兒手足動掣近視其色焦紫而形綻突乃毒

火擁窒悶瞽一時而死得水氣火逢水滅故復生詢其家
抱回以犀角地黃湯治之愈

樹小花多

斯乃兒小痘密之証蓋小兒未週或週而未壯氣血
未足若痘出來稠密正氣不勝其毒經曰邪勝正者
凶至於灌膿將半忽然顆大頂塌漿水鋪開痒瀉破
損元氣並洩或有漿不能蒼老而死或不能起脹而
倒陷或雖起脹不能行漿成實或漿清結疔餘毒變
遷卒至於斃諺曰樹小花多難結果小船重載定傾
危此善喻也若見時行發痘而孩尙小避之他處亦

多有不出者屢驗斯症十或絕其一二若得脾胃堅
固能乳便調用保元固中氣之藥可保無危若便溏
減乳痒塌破損命難存矣